

畿輔通志卷一百七十一

略一百二十六 古蹟十八 陵墓七 正定

正定府

正定縣

周牧莊三豕明統志在府城北每豕相去百步相傳戰國時

郡人藺相如廉頗李牧墓也

大清一統志

按唐王鎔墓誌銘云十

二月趙國夫人合葬於真定縣新市鄉廉頗里壽陽山岡攷

新市鄉府縣志不載元和郡縣志恒州開元有鄉八十七元

和有鄉七十口此其一也正定縣志縣北十里牧莊有三豕

每豕相去百步許相傳趙廉頗李牧藺相如葬此史記廉頗

卒於壽春清河趙州靈壽皆有頗豕

謹按頗墓應在今安徽壽州說已見保定府清

苑縣頗墓條下

後魏書藺相如豕在新樂不聞真定有豕牧莊在北

牛社與北十里舖相近其地疑卽唐之廉頗里三家或卽王
鎔之祖塋薛史鎔傳所謂葬於王氏故塋者疑卽在此後人
因里名廉頗王鎔王趙遂合而名之譌爲趙廉頗諸人之冢
云常山貞石志元王渾弔廉將軍墓賦涉滹沱而北驚兮
過常山之故城何高邱之突兀兮鬱劍氣之崢嶸野人指
而告予曰此廉將軍之封陵也人與骨而塵朽兮義於榮乎
日星遂陳辭而弔古今命僕夫以停征嗚呼休哉昔伯禹之
所以聖兮始不伐而不矜秦誓之所以經兮善悔過而宵盟
觀戰國之多士兮依稀猶三代之英惟趙之廉卿方國都之中
有時而蔽明能不遠而復初兮其惟趙之廉卿方國都之中
立兮資內附而兵精頗分閭而秉鉞兮騰茂實而蜚英聲梁
從隨而楚讐兮燕弭伏而齊并時有以卜將軍之意氣兮矜
雷動而滿盈遠相臣之出右兮何發言之盈庭幾肉餒而食
甘兮奮兩虎之必爭及聆急難之一言兮輒弭耳而服膺復
頓顙而悔過兮折節負贖罪之荆在引車而不必多兮將臣
及此所以爲古今之難能也逮漢起而帝稱兮禮飲至而策
勲何諸將之失度兮至擊柱而紛紜安得將軍從容爲一言
兮解馭繪屠狗之勞彼臣濬之耄耄兮加充渾之貪蒙咤吳
平於帝前兮互滔天而爲已功安得將軍滌易其褊薄兮俾
無成而有終嗟鄂國之列公兮挾勲勞而凌帝宗縱私忿而
無忌兮一墮夫臣子之恭安得將軍北面而同列兮以中和

之氣銷悍戾於未然之胷也雖哀之而不能鑒兮文空言其
奚庸繫慨慕其耿光今日三省乎微躬蕩吾伯夷之隘兮擴
平穆公之容希前賢而同升兮附驥尾而竭忠雖斷斷而無
它兮庶幾凜凜德讓君子之風衝山煙而暮去撫鳴劍兮增
雄

金蔡松年墓在城外仕金至宰相封魏國公卒勅葬於此

元祭酒楊俊民墓在城東蘇天爵撰墓碑

同

元征行百戶劉成墓在平樂原

元馬祖常撰墓碣銘趙郡蘇天爵述其外大父劉君行實

乞銘於馬祖常曰先妣武功郡君昔安樂時念其父不忘懼
其善不傳而名遂泯泯也嘗以語天爵迨先妣棄世外太父
終不得銘天爵蒙慈母之教誨粗有樹立於時圖所以繼親
之志者天爵其可不勉祖常曰孰無親乎孝於親之身者尙
矣矧又能思廣其親之志乎乃爲之序而銘之序曰劉君諱
成字立甫貌魁岸奇偉讀書涉大義不事章句歲壬子國家
初籍民田襄鄧間君與其兄俱在行中兄弟勤穡事每代兄
作勞田官稱之久之從伐襄陽先登授百夫長嘗率數十騎
略武當宋邏兵四合屢突圍出皆不勝或欲降君殺馬爲食
居數日不降宋人疑其有誘各引去眾服其勇丞相伯顏將
大軍渡鄂州江命別將阿里海涯將萬戶張興祖軍分徇湖
廣地君復與其兄從破羅飛文才喻周隆黃必達張虎諸軍

薄靜江兄中瘴毒死君扶其柩而北葬旣襄事輒屏迹田野
課童種樹畜牧耕桑衣食以自給於湖南遇兵倖一儒生黎
姓用金購之曰此儒生不善力役歸我我將俾爲弟子師果
同歸教諸子於鄉餘所全活者眾此儒生其一也享年八十
有四以延祐三年正月十又二日卒葬眞定平樂原先考萬
戶府君考諱義起行伍元帥史天倪辟署權黑軍萬戶會副
將武仙殺元帥叛卽從元帥弟丞相天澤擊走仙轉戰兩河
平金有功妣夫人孟氏夫人董氏前君廿六年卒子二人曰
寓曰海孫二人曰允中曰宏中女一人故中憲大夫嶺北行
中書省左右司郎中蘇志道之夫人追封武功郡君今奎章
閣授經郎天爵之母也女孫四人一適奉訓大夫萬盈倉使
李恕一適張林一適侯閭其一幼也世本厯城人金季山東
河朔兵興賊雜蹂躪其民獨眞定城完君之考因占籍焉
而今爲眞定人者自其考始郎中蘇志道年少日君識其爲
令器以女歸之後其甥天爵又以文學進有官於朝孝而能
成母之志俾其外氏之官闕世次刻於金石者竟賴其力焉
銘也無愧銘曰振振劉姓考室眞定挺身兜鍪而官弗崇雖
則弗崇勇也匪躬斬馬啖卒出金購士其謀則懿其惠則移
其迪其啟以多孫子女實命婦副笄封君出甥維彥
日肆於文克表外氏纘茲勞功刻待墓門維以亢宗

元處士甄昌祖墓在縣境

元宋本撰墓碣銘應奉翰林文字眞定蘇天爵伯脩甫持所著處士

甄君行狀求銘其墓日君鄉之先達諱昌祖字茂先師持其
先生輔交秋礪王公憚俾天爵狀以謁子銘者其子恒志也

銘曰舜胄氏甄代遐邇君世有繫遠益略茂先昌祖字諱錯無極徙恒遂地著會祖公亮德潛燥祖讓事金刺嵩洛考用致位民部幕妣劉繼王淑相若君讀六經得大約母王滄隨老致樂築亭訪山在負郭木石與俱隱操爆師軸友憚敬不謔言倍行過期救藥經史傳集浩以博重屋典册不尊閣修名璿然日孔灼蜀憲聘掾以養卻戊申月正體魂落歲六十二瘞諸俗儷代之王賢以嬖允恒補吏晉臬擢女章變兮死未灼子子克敏齒踰弱王侯不事斯道卓幹母之盡子職恪懿君學易協準獲顧親小祿辭不諾惟古逸遺名不鏤賴士載辭傳磊砢抑本茲銘不已作誰之言者蘇天爵

元吏部員外郎鄭大中墓在三家原

元虞集撰墓銘鄭君大中字義甫早學於鄉

校稍長推擇補中書戶部令史歷詹事掾史出官登仕郎納縣總管府經歷仁宗皇帝在東官時嘗因事得見仁宗偉其人目左右問其姓名是時仁宗愛尚文學常不次擢拔材雋於眾人之中人亦率更名所居業以自傳會驟得顯用者甚眾而君略不少自衛鬻才得為中書掾掌選調升吏部主事以廉敏為丞相器重而君丁內艱去國服闋除東平路推官終更又除嘉興路推官甫召為吏部員外郎官奉政大夫且嚮用出調廣東官於江西歸至京師以疾卒泰定二年七月二十一日也享年五十五公才行過人視當世顯用者未見其遽相遠數寘省部要地皆不得久又常以文書為職業事無專制獨為推官時東平屬縣東阿誣民為盜者獄具矣理出之壽張童子以杖為戲誤中人死縣論以殺人之罪君持

不可刑部是其議山東大水民多徙死檄君賑給者多全活
嘉興浙大郡獄尤夥君決遣之數月迺至無事憲府以其狀
薦之其治績可推見者如此娶何氏封真定縣君三子重承
事郎太常禮儀院太祝量野未仕三女皆幼重爲國子生時
與今史官蘇天爵爲同舍而集爲博士故其葬君於真定之
三家原也以天爵所述狀來請銘按君之先世本契丹貴族
石抹氏後改從漢言曰蕭氏者是也有仕金爲謀克謀克者
金人之言謂帥百夫則冠以謀克爲官名云貞祐南遷以其
兵戍洛正大庚寅國朝兵至戰死其配楊氏亦以兵死而其
子顯七歲矣爲千戶鄭公所得鄭異其資不凡以歸與妻霍
夫人鞠育之千戶公竟無子而歿遂以爲子因姓鄭氏而母
事霍夫人終身有恩禮是爲君之考以君貴贈奉政大夫樞
密院判官驍騎尉真定縣子妣尹氏贈真定縣君而君又有
兄大章中順大夫濟南萊蕪鐵冶提舉與君齊名而皆不究
其用其書之俾後世知鄭氏有以石抹氏改者自真定諱顯
者始其銘曰氏族之興氣禪體承似續祠烝匪信曷徵維鄭
有良吏維遼是自銜德懷誼不敢
敘其紀爰著因始俾承詒孫子

元司業硯彌堅墓在城北新城鋪蘇天爵撰墓碑按彌堅漢

上人元初大將招而北遂占籍正定見舊邵志

元丞相趙伯顏墓在城北白家莊

以上採訪冊

元張德林墓在新市鄉安封原

元宋本真定張君墓表真定之真定縣人曰張君諱德林

字茂卿夙喪怙恃兄弟眾且貧既長遂贅壻於郡董氏董氏多財無子委君家事君長治生久之資益饒又哀董宗將絕爲外舅買妾覲有以世其祀果生一子名笥亡幾何外舅妾皆死君夫婦鞠笥保抱乳哺之壯悉致家貲以去笥力留同居不可乃與田百畝屋一區爲報君課家人耕蠶以自衣食至治元年七月十四日病卒年六十四至順二年某月某日葬縣之新市鄉安封原子男一人天佑和甯路儒學正女二人長適朝列大夫監察御史蘇天爵次適郡士宮思敬孫男二中立中和日蘇君持君事狀告予曰昔杭有富民病且死子生甫三歲遺命壻主家產它時子取三壻取七子長而訟乖崖張公爲守曰使遺命子七則死壻手矣苟無剛明若張公者則子受屈無疑今張君非迫於孤子之愬非忱於官府禁令非不理於鄉黨親戚之口慨然舍所已據遺諸不爭求之時俗亦鮮矣能爲我文以表其墓爲齊民勸乎苟得之將歸刻諸石予諾而未遂蘇君再請三請且歲餘不懈時蘇君室恒山郡君者已亡子憐其拳拳故妻之父若是乃最其事之概附以卒葬歲月子女孫息之數而系以論曰古未有贅壻秦黔首家貧子壯則出贅始見史傳實弊俗也妻之家不以骨肉視贅壻雖贅壻亦不以我爲妻家骨肉張延賞韋皋猶爾矧餘人乎陽爲翁翁熱而陰相漠然者爭鬪相責望者皆有之蓋實非骨肉而然也故有國者至發民贅壻爲卒將以用其憤忿不平勤勞困苦之氣耳至財者則又民之心也

百金之產出入掌握可沒齒溫飽贅婿於妻之父母之子何有於戲處非骨肉之地當風俗世下之時而張君出焉真鮮哉方以杭民之訟則大非其倫彼富民者懼死其子於已生而君則求董之子於未有詎不相萬萬哉當買妾時君固已無心於其所殖不待推致於笥而後知也然子又有感於蘇君者昔於大父亦婿京師富民張氏張亦無子約曰死後園田屋室金帛皆子物數歲側室育子大父告去張翁媼驚曰何至是縱有子女不當得產之半耶大父曰某不欲處嫌地竟去舊當狀其事洎其餘行實欲求當世有文者表著金石未能也孫於祖顧久有缺然者蘇君乃能以斯先我豈天賞君盡心外舅而生蘇君俾豈弟親親女以君女而取報乎則向所謂弊俗者真定之間由董張蘇三氏可少湔矣用於世而觀民風者過君墓道以讀是尚有徵焉

元懷遠大將軍諡桓靖崔德彰墓在治頭原

元吳澄撰墓表崔公姓也德彰

公名也光甫公字也大甯富庶縣北韓里公之家也公之考韓祥金季聚千眾於鄉及國朝兵至以其眾附得命就領之既而隸真定史帥麾下從史帥取河北山東諸郡值金降人叛帥之弟平其亂官至管軍千戶真定同知權府事公其中子也謀略如其考憲宗朝乙卯歲攝蠡州慶都等處行軍千戶隨史萬戶成鄧西起武當東抵下邳繕治壁壘亘數千里己未歲世祖師指鄂戰武磯公敗宋江州都統軍中統元年庚申改授金符至元四年丁卯從阿朮破宋劉義砦五年麟

朱鄧砦南川高頭擒其將五九年宋將張貴饒襄陽圍城中
粟乘夜出公偕諸將奪其舟而殲旃逼襄樊城蹙郢黃家堡
十一年冬圍沙洋渡江襲青山磯大捷十二年春宋師潰於
丁家洲公追逐百餘里獲將士二百戰艦五十進臨毘陵督
炮兵摧木柵以入克其城益公宋兵千授宣武將軍管軍總
管由宣武陞顯武復遷懷遠大將軍兩浙江淮行都漕運使
金虎符任職數年轉輸裕如也一旦言曰曩宣力行陣委身
於國奚暇恤家之私四海旣一報國事紓當歸養老母以供
子職幡然棄官去十七年十二月二十七日遘疾而終年四
十九明年正月九日祔葬真定真定縣治頭原之先塋夫人
史氏北京路行六部尙書諱秉直之孫宣撫真定河間大名
衛輝濟南五路萬戶諱天安之女子男二昌武略將軍管軍
上千戶顯承直郎撫州路崇仁縣尹女二壻忠顯校尉德州
齊河縣尹史炤奉直大夫僉陝西漢中道肅政廉訪司事史
燾也至順元年庚午制贈昭勇大將軍真定路總管上輕車
都尉博陵郡侯諡桓靖追封史氏博陵郡夫人而公之子在
崇仁貽書云先人沒五十年餘二親始受褒封若不勒辭以
昭天寵無以盡人子之衷斬畀片文文諸石予覽公之墓誌
銘神道碑載公事蹟備矣今撮其大凡而表國恩之隆公先
幾歎附智也向敵莫禦勇也竭力爲國忠也念親還家孝也
一身而兼智勇忠孝之美四允矣當代之英賢乎子不及識
公而識崇仁君其潔己其愛人所謂豈弟君子民之父母又
有增光於往昔崔氏其世祀也矣

明梁夢龍墓在縣東盛板村

大清一統志

明左都御史劉文莊墓在城東北西洋村楊宜撰墓碑銘

明戶部尚書賈應春墓在城東盛板村潘恩撰神道碑梁夢

龍撰墓誌銘

明榆林巡撫張宏墓在城南莊里村劉文莊撰墓碑銘

明參政呂賢墓在城南古城石珪撰墓碑銘

明副使呂柝墓在城南古城歐陽暉撰墓碑銘

明布政使呂陶墓在城南古城童承敘撰墓碑銘

明御史郭希愈墓在城東北西洋村劉文莊撰墓碑銘

明布政使馬騃墓在城西澁村高穀撰墓表

明參政楊時泰墓在城南高家營

明御史賈名儒墓在城東盛板村

明太僕寺少卿霍貴墓在城北岸下村

明順天府尹王宸墓在城東北西洋村

明御史趙瑛墓在城西北永安村

明都督僉事顏璟墓在城西北永安村

明副使胡麟墓在城西邢家莊

明甘肅總兵官贈廣昌伯劉甯墓在城西柏棠村

明山西巡撫楊綵墓在城東北五里舖徐文業撰神道碑

明副使王撫民墓在東關

明光祿寺少卿王蔚墓在東關

明山東布政使王藻墓在東關

明殉難山東萊陽知縣陳顯際墓在城東大林濟村

明山東章邱知縣李鎬墓在城南兩嶺村

國朝河南布政使吳嵩印墓在城北牛家莊大學士梁清標撰墓誌銘

國朝河南知府吳國禎墓在城西南花園村

國朝貴州提學道張純熙墓在城外西北隅數十步

國朝永和萊蕪知縣武士豪墓在城東臨濟村

國朝浮梁青浦知縣婁維嵩墓在城西斜角頭村

國朝副都御史劉元慧墓在城南方壁村

國朝川北道何澄墓在城南高家營

國朝給事中梁維本墓在城東盛板村

國朝武德道梁維樞墓在城東盛板村

吳偉業撰墓誌銘云偉業時奉先大夫之喪在

殯正定少宰梁公諱清遠排纘其尊人僉憲西韓先生行事來告日月日公薨月日公葬納窆之石未有刻文以累子偉業爲之嚟然號曰西韓吾友也聞朋友之喪禮宜爲位哭今惇惇直經之中弗獲以其服哭之又大功廢誦矧可銜哀執

筆預知文字之役乎敢稽顙辭踰月方伯佟公再以少宰之意來乞銘則又歔歔流涕曰孤子交於梁氏父子者二十年先大夫所具聞也梁氏方貴盛知交故吏滿天下少宰不以假名公卿手顧重趼三千里固以屬余其謂篤老故人知公之生平爲悉也敢終用服爲解乎乃反袂拭面刪取其辭而銘焉按狀公諱維樞字慎可別號西韓生眞定人其先徙自蔚州七世至太宰貞敏公始大貞敏第四子封中書僉明公諱志以元配吳夫人生公公生而瓌異貞敏奇愛之旣長負志節讀書不屑俗儒章句憺明公俾就家塾塾師避席謝非所能誨且曰是其文殊類夢白夢白者高邑趙忠毅公隆萬中所推眞定兩大宰也時以小選家居講道指授生徒公執經往侍遂爲入室弟子每著書必命校讐丹黃接席得所詠韓河諸什撫卷嘆曰風雅不墜復見之梁生矣其愛重如此學成至京師及應城楊忠烈之門楊一見嗟異曰高邑誠知人乙卯京闈旣雋諷誦自如罕接賀者趙公聞而嘉之曰此吾所以取慎可也天啟初趙公枋用公以貞敏衰終之典未備上書闕下因趙公以徧贊賓客表章先烈討求國是愍綸下而公之聲名爛焉逆奄起詔獄日趙楊爲黨魁首被禍趙白首會逮公傾身贈護唯謹趙公得減死出語人曰若慎可者斯可謂之義故矣楊銀鏞膠致道出恒州公策蹇往迂大言檻車之旁曰公此行足以垂名竹帛死者公之本志豈足畏哉楊舉手曰知子此來不徒師資之情昔人有言九死不悔此吾心也於時邏卒竊立人皆以耳目非是盍不爲門戶計公不顧累下春官第臺使者疏其才京朝官以詔書保舉

久之用吏部銓考授內閣撰文中書舍人公大臣子孫生長
畿輔朝章國故耳濡目染機密之地演綸畫勅胥倚辦於公
上命草詔諭督師漏下二十刻中使闕殿門以待傳呼迫趣
援毫立就宮省爲之嗟伏應詔陳便宜多所指切進循良城
守二書願頌諸選人爲挈令章下所司踰年晉尚寶司丞副
掌典籍事先是典籍一官非復祖宗舊制官資由他塗雜進
久者子弟枝附盤互於其中當國者與外廷忤疑爲煽動坐
以漏泄省中語言之上杖殺之而改用公等一二正流擢自
乙科特重其選公屏交遊避名勢雖爲當途引用公務外弗
肯與通迺同事者班在公右沾沾喜自詡相君之私人交關
請謁向時得罪者親黨側目思報蜚語上聞中外皆知公薰
猶不相緣染而論者以官聯接迹調語及之誣旣白猶用其
文罷公士論怫鬱未浹月起家擢任工部主事從尙書吳橋
范文貞公請也范公憂神京孤注增樓櫓戎器公襄其勞
無何廟社淪胥嬰城被執誓以必死 皇清定鼎卽舊官
錄用奔澹明公喪歸而孝養吳夫人者八年用疏薦復出補
營繕郎管理三山掌灰物之徵令以共邦用匠人之取厲破
台氏之給薪蒸轉移執事之車牛餽費公壹其數量課以員
程丞徒稱平乾清宮告成得文綺名馬之賜陞山東按察僉
事整飭武德兵備武德多鳴騶雄爲右職責以討捕收府姦者置
擒治公簡練營兵署其驍雄爲右職責以討捕收府姦者置
之法縛巨猾送都市戮之境內以清視事一年絕苞苴恤徭
役督河漕之卒而牽輓時申遁逃之條而株送免惠政流聞
會入賀遂乞養後五年而卒於家享年七十有四學者私謚

爲文孝先生稱本志序篤行也公於書酷嗜歐陽率更得其楷法

世祖皇帝知其能命書數紙以進

天語

褒嘉傳爲盛事所著玉劍尊聞及性譜日牋內閣小識羣玉直譽等集數百卷公之在典籍嘗請下獻書之令以備典章之功罪非公紀錄孰可援據哉公生於丁亥年八月之二十九日卒於壬寅年十月之六日元配王氏繼王氏再繼杜氏少宰貴於典得加恩二母元配王贈恭人而杜贈封亦如之有六子長少宰也次清泰諸生次清傳武進士候補鑾儀衛次清尙清芳清烈與兄清泰皆早卒孫男七人允樸胄監允栢允梅皆諸生允榛允梧皆清遠出允杰諸生允構皆清傳出孫女五人會孫男五人願光卿光憲光蔭光誥光皆允樸出會孫女三人少宰以某月日葬公於真定某鄉之某原禮也余與公定交於先朝比去京師十五年宿素已盡唯公迎閣握手高譚盡日余疲薾不任趨拜而公善飲噉據鞍躍馬能勤於其官當是時公之諸子鳴騶夾道人或愛公勸其少自暇逸輒笑弗應間爲余言年少時射麋擊兔於茂山之下韓河之濱極望平蕪登高長嘯慕袁絲鄭莊之爲人又先業在雕橋莊有古栢四十圍趙忠毅嘗過而憩焉歲月不居身名晚晚每摩挲其下彷徨嘆息不能去余因察公志氣魁岸沉塞類古勞人節士之風年雖遲暮宿心未摧每思出其所長自効於當世非苟以家門貴盛樗散自全者也彼愛公者烏足以知公心哉余投老荒江六年衰病坎壈倍於疇昔公家英嗣皆以公故辱知余余得棲遲閭里苟視先人之飯含

者夫猶公賜也嗚呼其可無銘銘曰漢有平原觸忤宦豎急難相勉不憂不懼偉哉裴生爲前孝廉徒步往送崤澠之間侃侃梁公媲美前列執義名賢古人之節嬰也存趙融乎訟場同垂信史北州之良伯鸞五噫叔敬七序作爲文章掌帝之制益耳有後河西以封一門萬石四世五公烈士暮年壯心伏櫪毋以老耄敢自暇佚恒山奕奕潁沱洋洋敦邱宰木赤壤黃腸我銘幽宮以報死友陵遷谷移斯言不朽

國朝南雄知府梁維基墓在城東盛板村

國朝吏部侍郎梁清寬墓在城東盛板村

國朝吏部侍郎梁清遠墓在城東盛板村高珩撰墓誌

國朝保和殿大學士梁清標墓在城東盛板村高珩撰墓誌

國朝太常寺卿王鍾龐墓在城東固營村西北

國朝廣西布政使王原撫墓在城東固營村西北

國朝榆林知府何夢蓮墓在城南高家營

國朝浙江按察使王定柱墓在城東北賈村

國朝四川提督孫清元墓在城北岸下村

國朝廣東陸路提督郭繼昌墓在城南兩嶺村

國朝貴州咸甯總兵武光琳墓在城南李家莊

國朝正定縣知縣周灝墓在城東北西洋以上俱採訪冊

獲鹿縣

漢趙佗先冢元和志在石邑縣北十三里佗正定人漢文帝

爲其先人置守冢舊志趙王冢在今縣東三十里趙陵舖東

大冢六小冢二十三大清一統志

唐杜秀墓在縣北高遷村唐貞觀十年卒葬此府志按誌君諱

秀字侯英出自長安京兆因錫封疆世遷恒州石邑人唐貞

觀中官御史大夫世稱其道冠羣英翺翔筆海令溢鄉閭志

好清閒貞觀十年四月三日卒春秋六十葬於高遷村北